

Patavinus, qui in collibus Euganeis prope templum Geryonis sedens, Pharfalicæ pugnae faciem inter Cæsarem & Pompejum lymphatus vidit; reciprocas belli vices narravit; Cæsarem vicisse, exclamavit; uti testantur Iulius Obsequens, Agellius libro 15, capite 18, Lucanus de bello Pharfalico, libro 7, Plutarchus in Cæsare. Idem Tiberio imperium præfagit, jactis in Aponi fontem talis aureis, summum numerum ostendentibus, scribente Suetonio. Addendus & Maximus Olibius, qui Plutoni sacram illam & ingeniosam dedicavit lucernam, quæ per multos annos sub terra arsit; juxta Atestem, municipium Patavinum, anno 1500 inventa in urna fictili, inter duas ampullas, aureo alteram, alteram argenteo liquore plenas, cum versibus elegantissimis urnæ majori insculptis. Edidit quoque Patavium, post Imperii Romani cladem, plurimos magnæ celebritatis viros: in quis famam sibi suis scriptis conciliarunt Marfilius Mainardinus, Minorita, Theologus; qui Ludovici Bavari partes contra Ioannem XXII P. M. tutatus est, edito libro acutissimo de Potestate Papæ & Imperatoris, anno ab Christo nato 1324, sub titulo, *Defensor Pacis*, quem Albertus Pighius in Ecclesiastica Hierarchia oppugnavit: Iacobus Alvarottus, qui in Vfus Feudorum scripsit, Franciscus Zabarella, Episcopus primum Florentinus, inde Cardinalis, Ludovicus Cortusius, qui Repertorium Iuris concinnavit; Antonius de Rosellis, Iudiciorum, Torturæ, Indulgentiarum, Legitimationis, Successionum ab intestato, & Vsurarum enarrator; & alii Iurisperiti, Petrus Aponensis, Conciliator dictus, hæreseos & magiæ nomine ab æmulis accusatus; Marfilius; Iacobus Dondus, qui de fluxu & refluxu maris, deque sale conficiendo ex aquis Aponi candidissimo absque coctione, scripsit; Michaël Savonarola, & alii, Medici: Albertinus denique Musatus, Rolandinus, Lupatus, Xiccho Polentonus, Typhus Odaxius, Petrus Montagnana, Ioannes Antonius Maginus, & alii, historici, poetæ, litterarumque humaniorum doctissimi. Genuit & claros militia Duces, L. Cassium, Centurionem, ab Augusto, cui mortem minabatur, in exilium pulsum: Boriscum, Tribunum militum; qui Sertorium sequutus, ab Catilina cæsus: Cæcinnam Petum, qui Scriboniani, Illyrici Legati, partes contra Claudium sequutus, eo militum prodicione obtruncato, Romam est pertractus, Arria uxore semper comitante; ibi delectu mortis dato, Arria, ne superviveret, gladio, quem sinu abditum gerebat, pectus suum confodit, eundemque marito porrigens,

*Si qua fides, vulnus quod feci, non dolet, inquit:
Sed quod tu facies, hoc mihi, Pete, dolet.*

Meminit præter Martialem Plinius Iunior lib. III Epist. ad Nepotem. Gener ejus fuit Tra-
Italia.

seas Petus, Patavio quoque oriundus, vir Consularis & Sacerdos, Philosophus, Poëta, Orator summus, Senecæ æqualis, virtutis existimatione ipsimet Neroni invisus: morique jussus; dato mortis arbitrio, præcis utriusque brachii venis, expiravit. Cives inter præcipuas artes lanificium exercent hodie, uti & olim, quemadmodum constat ex Strabone lib. 5, qui scribit, Patavium urbem ejus regionis esse præstantissimam; addens, non multo ante suum ævum censos ibi fuisse 15 viros equestres, & antiquitus ad bellum Patavinos misisse centum viginti militum millia; item multitudinem mercium, quas Romam ad mercatum mittere soliti, cum aliarum rerum, tum vestimentorum, ostendere, quantum & viris & opibus præstarent. Academiam habet Patavium nobilem, quæ natales suos debet Karolo Magno Imperatori, vel, ut aliis placet, Friderico secundo; adolescentiam Urbano quarto P. M. maturitatem illustrissimæ Venetorum Reipublicæ. Clarissimum est omnium disciplinarum artiumque emporium. Ornata est longa consuetudine iisdem, quibus Bononiensis, privilegiis. Professus ibi jus civile quatuor integros annos Bartholomæus Salicetus: edidit ibi ad gloriam Academiae Commentaria Paullus Castrensis in universum fere Ius; quæ Prælectiones Patavinæ ab Iureconsultis nuncupantur: dedicavit ibi Commentaria in Clementinas; itemque Observationes in Panormitanum & Alexandrum de Imola Zabarellæ Cardinalis clarissimo Iuris utriusque collegio Patavino. Sunt & Patavii collegia litteraria gratuita novem, sustentandæ studiosorum inopiæ instituta; Foro-Julienfium ad D. Antonii; Feltrenfium, ibidem; Spinellium & Riddium, apud Pontem Corvum: Campionis, in Vico Vignalium; Neapolitanorum, apud S. Katharinam, vetustissimum; Thomæ, Philologi, Ravennatis Medici, juxta Pontem Molitorum; Brixianorum, apud S. Luciam; Cypriorum denique, ab Archiepiscopo Græco non ita pridem conditum. Habent suum ibi hortum medici, simplicium, forma sphærica, amplum & irriguum; Sebastiani Foscarii & Nicolai Teupuli auspiciis cœptum. Videre ibidem est Bibliothecas varias, Græcis Latinisque libris abunde instructas: unam, apud S. Ioannem in Viridario; alteram, apud S. Iustinam; tertiam, apud S. Antonium. De laudibus, situ, antiquitate, & statu totius urbis; nec non viris præclaris ex ea ortis, inibique sepultis, cæteris item omnibus, quæ ad eam pertinent, justum scripsit volumen Bernardinus Scardeonius, Canonicus Patavinus.

Vrbs hæc sub Romani Imperii fide mansit, donec ab Attila caperetur incendereturque: dein restaurata à Narsete, rursus à Longobardis cremata dicitur; verum sub Carolo Magno & cæteris Italiæ regibus non tantum respi-
M m ravit;